

Агнагамалта сали мантыгами икаюгақыкыпут анапут. Кегми унонулуку ыгыфқаяхқат сільагахқат лыган сільами. Хугақыкет қилүйт айвыгым, мактым. Иқехсальхаглуки, ыгульхаглуки. Сали агнагамало гүй сільаганльагыухсимауңа. Тамакын ықльүйиңайвыгым ылнулгит сільагахқат пеқыкет. Тамакут ынкам акуна атымпалуки куйңилтьыхтақнамың тугоқыкет. Куйңилтьыхнақақнамың санаутақет акуна камгыт ныхсам тымкеның, сільагат ылнулгит санақйбапут.

Куйңилтьыхтақнамың тыкитақыкет игүйильуки куйңит, атыкухкат, игут.

Агнагамало сали полъасигьюныхтумауңа. Киңоку мантыгахльүйини Калңинкут ысхағаңа налета юм, пит илани: тана агнагақ акумсисийң атулгени регаль, атуюок.

Тагъёқльу пинитупик ысимакук. Қонпың атугақылгекук. Амта ыльңа атуситукамаўк. Атусекуқ-ам, атасикун илисагьяхтугақахпук полъасилгенун. Пынагунгуми ысимакут нухтыңатыкут Нувукамың.

Анама кулигамсутақыкиңа, укйьугасагның Нувукамун тыкитакут накын ипа нунаның кимухсит. Қайгўальямың, уңайигмит қамаыхтынун пытугақет гўанит ынкам сали аюңамалуки никугнамакут лыңахталыгит гўанита. Калъыхтақнамың, гуқ, полъасекут.

– Натын-ам алегақат атуыт? – апытақақа.

Киңоку, гуқ, қавануни никуга атун, лыган ынкам тупата. Ыльтугагминун Владимирымун алңайьқа магнитофонымун. Сали тана микагалуни ысхапалгенун қахаяўхсимаўк. Тугоқыкывут клубымун полъасилгенун.

Киңоку қиялге ысхаға ыглыгусильтыңата полъасильтыт.

– Тана саюгақа? – апытат ыльңа.

– Амта саюгьюгакуқ. Тагани илисимаки сали утуқақ саюн. Ыглыгусильтыңата полъасильтыт, гуқ, ыльңа пет: «Ысха гутысхынльахсийң, саюгақьяхқак».